


## An Coinín



Bhí an coinín i dteach beag sa ghairdín. Thug Nóra leitís agus cairéad dó. Níor dhún sí an doras. **Rinne sí dearmad** é a dhúnadh. D'ith an coinín an leitís agus an cairéad. Ansin rith sé amach timpeall an ghairdín. Léim sé suas san aer. Bhí an-spórt aige. **Go tobann** stad sé. Chonaic sé Spota ag an ngeata. Lig an coinín scread as agus rith sé isteach sa teach.

### Foclóir:

leitís, lettuce

cairéad, carrot

rinne sí dearmad, she forgot

go tobann, suddenly

scread, scream

### A. Líon isteach na bearnaí:

cai—éad, dear—ad, tim—eall, go to—ann, cho—aic, coi—in.

### B. Scríobh amach an freagra ceart:

1. Cá raibh an coinín?  
— sa leaba.  
— sa pháirc.  
— i dteach beag.
2. Cad a thug Nóra don choinín?  
— prátaí.  
— leitís agus cairéad.  
— bainne.

3. Cé a bhí ag an ngeata?

— Nóra.  
— Daidí.  
— Spota.

### C. Líon isteach na bearnaí:

1. Níor dhún sí an d—.
2. D'ith an — an leitís agus an cairéad.
3. Ansin rith sé amach — an ghairdín.
4. Lig an coinín — as.

### D. Freagair na ceisteanna:

1. Cad a d'ith an coinín?
2. Cár rith an coinín?
3. Cén fáth ar stad an coinín?
4. Cén fáth nár dhún Nóra an doras?

### Gramadach 8

- (i) Foghlaim: asam  
asat  
as  
aisti

### Líon isteach na bearnaí:

**Sampla:** Bhí eagla ar Liam agus lig sé scread as.

1. Bhí eagla orm agus lig mé scread —.
2. Bhí eagla air agus lig sé scread —.
3. Bhí eagla ar Mháire agus lig sí scread —.
4. Bhí eagla ort agus lig tú scread —.

- (ii) Foghlaim: Rinne mé Rinneamar  
Rinne tú Rinne sibh  
Rinne sé Rinne siad  
Rinne sí

### Líon isteach na bearnaí:

**Sampla:** Tháinig Seán isteach agus rinne sé dearmad an doras a dhúnadh.

1. Tháinig mé isteach agus — — dearmad an doras a dhúnadh.
2. Tháinig tusa agus Úna isteach agus — — dearmad an doras a dhúnadh.
3. Tháinig Tomás agus mé féin isteach agus — dearmad an doras a dhúnadh.